

蒙兀兒史記

結一宦主人自題

楊完者陳有定列傳第一百十二

蒙兀兒史記卷第一百三十

武進屠寄纂

楊完者本名道貫字彥英完者其賜名也

蒙兀語吉慶曰完者

武岡綏化赤水

人本宋十洞首領之裔非苗族也性陰鷙嗜斬殺溪洞猺獠服其果沒有智略羣推爲酋至正中沅靖柳桂諸猺竊發達識帖睦邇以中書平章行省湖廣九年十一月至奏設萬戶府統諸土司以姚夢楨爲萬戶會紅巾起達識帖睦邇檄夢楨舉部勤王夢楨聞完者有衆習擊刺遣使招致之十二年四月合其所謂荅刺罕軍者復武昌漢陽荅刺罕蒙兀語自由之謂其軍無尺籍伍符無統屬相謂曰阿哥曰嘛綫至稱主將亦然衣裳斑斕長不過膝袖廣狹脩短與臂同袴如袖裙如衣總名曰艸裙艸袴固脰以獸皮曰護領束要以帛兩端縣尻後若尾無晴雨被璫蓋軍中無金鼓襍鳴小鑼圓徑數寸者以節進止完者生長苗中與之相習旣克武漢以功授管軍千戶累遷海北海南道宣慰使都元帥夢楨死擁衆不受誰

何節制。十三年。從平章阿思蘭順流東下。緣道劫掠。甚於盜賊。屯江州。使使至安慶。索供億於淮西。同知宣慰余闕。勢洶洶。闕怒。縛其使。下之獄。上疏奏止其行。完者聽命。衆稍戢。明年。奉旨偕平章咬住守禦湖廣。會張士誠寇揚州。兩淮大震。平章阿魯灰時鎮淮西。輟耕錄稱阿魯灰爲樞密院判。或稱右丞。此從本紀。引完者以自援。完者帥衆直抵揚州。士誠退。

還高郵。苗軍入揚州。大肆淫掠。居民不勝其擾。怒甚。共起義攻殺之。完者以餘衆渡江。屯廣德湖州間。十六年二月。張士誠襲陷平江。時達識帖睦迺以左丞相行省江淞。治杭州。有旨得便宜行事。嘉興北連平江南。去杭不二百里。爲江淞給喉。有司乞援急星火。驛使交道不絕。丞相兵寡。策無所出。乃檄完者戍嘉興。順帝紀命平章三旦八與之同守。

完者取道自杭。以兵要丞相。擢爲行省參知政事。餉絀。填募民入粟。空名告身數十道。予之。丞相又以王與敬攝元帥。守松江。與敬據郡叛。應士誠。完者遣部將蕭亮員成往討。與敬遁。苗軍入松江。淫掠如揚州。焚民居。火經月不絕。閭平江軍破。澱山湖柵。亮成引

軍宵遁。松江旋陷。秋八月。士誠遣軍犯杭州。達識帖睦迺不能禦。棄城奔富陽。苗將吳大旺自嘉興先鋒來援。戰不利。完者帥師繼至。擊走士誠軍。駐營菜市橋外。

軍不入城。始卽南村。所謂完者愛民之一端乎。

丞相乃還自富陽。

表遷完者本省添設左丞。

慶童舊傳作右丞。始誤。

是役也。完者雖有完城功。然

軍無紀律。杭州人猶怨之。明年。士誠軍屢寇嘉興。均爲完者所敗。士誠乃因降將蠻子海牙以書乞降。始要王爵。繼要三公。完者請許之。達識帖睦迺不可。固勸。乃表授士誠太尉。達識帖睦迺倚完者以制士誠。遇事姑息。不久爲完者所制。完者恃功驕恣。貌雖尊事丞相。而生殺予奪。一切專決於已。丞相畫諾而已。命將宋興成嘉興。自駐杭州。築營城北德勝堰。周三四里。子女玉帛在其中。時人比之鄒陽。然是時。淞江以南。則有行御史臺鎮撫官邁里古思。其西建德路。則有荅魯合臣古篤魯丁。皆涖官有威惠。苗軍不敢犯其境。完者號令。第行於杭州嘉興兩郡間耳。完者用法刻深。任勢立威。而其幕府鄧子文金希尹王彥良之徒。又悉邪佞輕佻。左

右交煽氣。歆翕忽。達識帖睦迺漸厭完者。陰結士誠。完者本挾士誠以自重。然士誠實欲圖完者而未發也。會徽州建德兩路爲朱元璋所陷。完者出師屢失利。威望日衰。又強娶平章慶童女爲時論所不直。達識帖睦迺密與士誠定計除之。揚言使士誠出兵復建德。左丞李伯昇行樞密同知史文炳同僉樞密呂珍皆士誠將而受職朝廷者。各以兵至。完者安坐德勝堰營。懈不爲備。突受圍攻。大窘。遣吏致牛酒於史文炳爲可憐之意。曰。願緩須臾毋死。得以底裏上路。上路猶上達弗聽。完者躁怒如獅吼。洩死奮鬪。卒以衆寡不敵。盡殺所有婦女與其弟伯顏皆自剄而死。獨慶童女先日歸寧在海寧。時其父慶童以平章鎮海寧。輟耕錄云。慶童女先往富陽。殊誤。得免。慶童女已嘗許嫁親王。完者豔之。強委禽焉。至是未周三月。故數其臯者此居首。完者旣死。其衆開營出降。文炳解衣裹完者屍瘞之。祭哭盡哀。十八年秋八月也。宋興在嘉興。聞完者死。閉門自守。亦攻降之。完者矜已犯分。貪財好色。然忠勇敢戰。爲紅軍所畏忌。旣拜省官。榮寵踰望。頗思

以討賊自效。無它野心。唯所將苗軍。行同禽獸。不受約束。所至爲害。怨歸主帥。一旦受攻。死非其辜。爲國憐才之士。猶有哀之者。完者旣死。士誠兵遂據杭州。不數年。而達識帖睦爾竟爲士誠弟。士信所逼逐。幽死嘉興。後朝廷念完者之勞。追封潭國公。謚忠愍。其弟伯顏衡國公。謚忠烈。完者部將曾華。亦武岡人。累功僉廣東道宣慰司。兼都元帥府事。戍浦陽。嚴戢部曲。四門置守。非軍令不妄出入。嘗以軍事應完者。檄召至杭州。事畢。一昔而去。不間人馬聲。其馭衆過完者遠甚。浦陽人德之。爲立石縣庭。

陳有定

一作友定

字安國。福清人。徙居汀之清流。少孤貧。傭於橘洲富家。

羅氏。雖病疔。而器宇魁岸。有權略。羅翁奇之。欲妻以女。媼不可。曰。

吾女寧嫁瘡頭郎耶。有定因求失鵝。露宿鄰邨王氏之門。其家夜

夢虎踞晨啟關。見有定以爲異。召而飲食之。畱爲贅壻。分貲命習

商販。有定任俠喜交遊。不知居積。未幾盡喪其母財。大困。投身充

明溪驛卒。同輩多服其勇洩。紅巾起。舉國騷然。清流接壤寧化。其

縣土豪柳順擁衆據曹坊。至正十二年。順黨八十人索馬明溪。有定給以酒。半酣收其械。掩殺之。順怒。自將步騎千餘來襲。有定令老弱守寨。簡丁壯五百。與其侶賴政孫通胡螭帥以伏山麓。伺順至。突起狙擊之。賊衆潰走。乘勝進屠曹坊。獲順以歸。衆推有定爲

寨長。十七年。汀州府判蔡公安署爲黃土砦巡檢。

鄭造卿海嶽存稿平章陳有定傳作明溪巡檢

此從明史本傳

劉鄰境寇壘數十。因險立寨三。曰南北。曰石龍。曰平安。自駐

平安。廉訪僉事般若帖木兒表爲清流尉。尋升令。十八年冬。陳友

諒將鄧克明陷汀州。

十二月

行省假有定汀州路總管禦之。二十年。

敵圍清流。有定自平安間道夜襲之。破敵黃土砦。追至寧化。清流圍解。繕崆峒峽嶺關戍之。二十二年五月。有定復汀州。鑿九龍潭石。以利水運。時鄧克明胡廷瑞再陷邵武。延平進攻建寧。建寧將阮德柔嬰城固守。十有八旬。城中食且盡。平章完者帖木兒檄有定援之。有定輕騎數十。冒圍入城。八月守者謹曰。陳總管來。吾屬生矣。時敵連營數十於城西北。有定叱德柔開北門。出奇兵。焚敵檄櫓。

山砦。還奪水南砦。蹙敵。菱角塘。萬安洲。踐溺死者千計。城圍立解。別將孫通等復建陽。崇安。浦城。有定自將復邵武。及其屬邑。賊度杉關遁去。自此友諒不敢復窺閩。經略使李國鳳上功。有定第一。超擢福建行省參知政事。有定辭。尚書李士瞻以使事在閩。勸之。乃受命。二十五年正月。有定出師。浙東。時朱元璋已稱吳王。陷處婺。駸駸犯閩。有定攻處。爲其州降將吳深所敗。五月。深與朱亮祖。祁興。耿天璧等帥師三萬入閩。五戰陷浦城。守將張士玉被執。進陷建陽。有定自建寧遣阮德柔以兵四千屯錦江。遏敵歸路。深回軍擊破之。正逐北間。有定帥牙將賴政。柳百順以銳卒二千奄至。突擊深。德柔回戈夾攻。深馬蹶被執。朱亮祖正攻崇安。間深敗。引軍退保紫溪。有定初得深。禮遇之。無加害意。深從容引竇融歸漢事。諷之。有定笑曰。公已被執。乃反誘人不忠邪。元璋遣使以良馬金幣議贖深。適大都宣差至。趨有定殺深。以明無貳。乃并其使殺之。二十六年。有定平興化。泉州。番寇之亂。先是義兵萬戶賽甫丁。

叛據泉

事見十七年三月本紀。賽甫丁蓋本波斯船商。互市來泉助攻土寇。因授義兵萬戶者。

平章普化帖木兒起前江淞

平章三旦八前總管安童分省興化討之

十八年八月舊紀云。江淞行省平章設事三旦八遁於福建。先是三

旦八討饒州貪財玩寇久而無功。遂妄稱遷職。福建行省為廉訪僉事。般若帖木兒所劾。拘之興化。路海嶽存稿云。然者蓋自拘所令其戴皇圖功自贖也。

賽甫丁賂亦思

法杭番酋阿迷里丁襲陷興化

亦思法杭波斯城名。見西北地附錄。海嶽存稿作亦思巴奚。又作亦思八夷。阿迷里丁蓋亦船商之

互市於興泉間者。

執三旦八。安童遁免。阿迷里丁大掠還泉。莆田林德隆惠

安陳從仁。竝禦寇有功。朝廷授德隆興化總管。從仁同知府事。二

人不相能。從仁計殺德隆。德隆黨復殺從仁。從仁之弟同及其戚

桺百順與德隆子琪部將許瑛治兵相攻。同乞援於漳州總管羅

良琪。乞援於阿迷里丁及賽甫丁。兵迭至。興化遂大亂。賽甫丁又

自泉航海襲陷福州。為平章燕只不花所敗。帥餘眾還據泉。

事見二十二年

五月乙巳朔本紀

而亦思法杭別酋阿巫那

蓋亦船商

殺阿迷里丁。敗陳同等。殺掠

尤甚。皇太子聞之。命孫觀為右丞。分省於泉。阿巫那始頗聽令。觀

處分乖刺。仍桀驁不可制。桺百順乃與林琪釋私憾。合兵拒阿巫

那。阿巫那遣其黨白牌

句

馬合謀

句

金阿里

皆天方教徒之名

擊殺許瑛。暴

兵海孺

其入本船居者

行省檄有定討之。是年四月。有定揚旆而南。柳百順

本有定牙將。先鋒乘虛入興化。白牌諸酋聞之。登陸圍城。唯寧真

一門圍未合。有定子宗海領兵夜入此門。番酋不知也。比曉。忽見

西南二門開。正相顧愕眙。而城兵整隊出。旗服鮮明。益莫測何來。

懼而思遁。宗海直前薄之。番兵未及舉槍發矢。即大潰。殪屍千計。

追禽白牌等斬之。是日。有定至。撫集軍民。完復路治。百順在城中

聽令。同及琪亦各帥所部受約束。有定遂命宗海督百順及同等

陸軍。合琪舟師。進取泉州。躬帥大軍繼其後。未至。泉人執阿巫那

及賽甫丁迎降。

事在五月

二酋伏誅。興泉罹番寇禍延十載。至是始平。

皇平

七年丁酉三月賽甫丁始叛。至是年丙午五月事平。凡九年有二月。

二路之民深德有定。八月。朝旨進有定福

建。行中書省平章政事。行右丞事。將佐授官進級有差。於是有定

脩城浚隍。繕甲利兵。力備戰守。以延平險固。置分省自居之。

閩諺金延平鐵

邵武皆言其險固也。

而以宗海守將樂。從弟子琦

琦亦作奇

守建寧。分遣部將控制諸

路。漳州總管羅良心不平。貽書誚讓之。有定怒。是年十月。帥師攻

殺良遂并有漳

以其地勢完固鑿山以洩之而縮其城之西垣

凡平閩寨三百有奇。於是八閩之

地盡聽約束。又奄有潮州一路。有定起家傭伍。目不知書。既貴。亦

不脩邊幅。常如布衣時。數招致文學知名之士。如廬州王翰。閩縣

鄭定之屬。畱置幕府。由是粗涉文史。能爲五字小詩。亦有意致。然

頗擅威福。阮德柔自以朝廷舊臣。不盡受節度。有定不能容。德柔

懼不自安。密通款。朱元璋請兵自救。未報。有定掩之。德柔戰死。桺

百順以破胡深功。驕蹇。有定忌而殺之。時陳同將兵守潮州。有定

慮同以百順故。必怨望。乃徵同還。處之福州。福清宣慰陳端孫。崇

安令孔楷。及建陽人詹翰。皆以不遵約束見殺。獨行省都事藍光

謇。謇持正。有定畏而敬之。一言不合。拂衣歸去。有定亦無如之何。

也有定雖威震八閩。然事朝廷未嘗失臣節。常言。元。吾主也。當是

時。張士誠據浙西。方國珍據浙東。皆號稱國家疆吏。至徵其海運

糧。則屢不應命。而有定獨歲有所漕。不足。至會同行宣政院使朵

兒。括閩中廢寺田租益之。浮海輸京師。

事見二十七
年五月舊紀

妥懽帖睦爾汗嘉

其忠。下詔褒美。賜賚稠疊。時朝命獨通於閩。故臣舊帥及江右士
夫奔走國事者。多入閩。有定皆禮而用之。二十七年五月。朝廷特
降空名宣敕數十道。遣使付平章曲出。及有定。俾承制驗給。有功
者。勉以忠義。令牽綴吳師。有定雖受命。然亦不敢輕動。唯於建陽
卽故閩越王大潭城址。增築爲備而已。時福州鼓樓鴟吻吐氣若
煙霧。見者以爲不祥。先是朱元璋以閩事訪劉基。基謂有定守株
虜。腹中無書。不足畏。方國珍負山跨海。可虞。旣平國珍。由海入閩。
取之。如反掌耳。是年九月。元璋遂命湯和吳瑱以兵三萬討國珍。
國珍請救。有定恨其部下嘗誤殺閩海戍。不之援。國珍遁於海。已
而降吳。於是吳以十月大發兵。三道取閩。一出建昌。以胡廷瑞嘗爲陳友諒攻閩。知其地
理險夷。命一出衢州。李文忠一出慶元海道。湯和爲主帥。廖永忠副之。以方國珍所降海舟載兵。先遣使
來延平。招諭有定。有定置酒。大會諸將及賓客。殺吳使者。瀝其血
酒甕中。與衆酌飲而誓之。曰。吾儕竝受國恩。有不以死拒敵者。身
磔。妻子戮。遂嚴兵邵武浦城。環福州築壘。壘閒五十步。輒築一臺。

爲守禦計。自提兵往來東西策應。蓋以爲吳兵自陸來也。十一月。

吳將胡廷瑞攻杉關。指揮賴政戰屢不利。退保汀州。廷瑞入關。

呈

寅遣將略光澤。十二月。邵武守將李宗茂。建陽守將曹復疇。各以

城叛降廷瑞。

二日甲辰十四日丁巳

吳別將沐英自廣信來。破分水關。陷崇安。其

大將李文忠以兵三萬攻浦城。浦城。閩之北門也。守將胡螭勇而嗜酒。恃勝不設備。閉關酣卧。吳裨將繆美武德乘夜冒雨斬關入。螭醉起。手刃數十人。天寒。血凝刃。遂敗死。有定在福州。聞杉關浦城先後不守。大驚。命陳同以所部助平章曲出固守福州。自引軍還延平。分兵謀復邵武建陽。而湯和等舟師已禽殺把海指揮孫通程嚴。闖入五虎門。奄至福州城下矣。陳同挾桺百順被殺宿憤。首出降。曲出戰敗而遁。福州遂陷。二十八年正月。吳王朱元璋稱帝。國號明。明師次建寧。同僉樞密達里麻與參政陳子琦議曰。敵兵自破杉關。鋒銳不可當。吾兵止萬人。以戰不足以守有餘。且儲粟甚富。宜固守以老其師。彼攻城不克。必退。吾因而乘之。可以得

志衆然之。胡廷瑞等圍城。昔數挑戰。不應。十日後四面急攻。達里

麻度不支。開門降。子琦被執。先是有定雖西失邵武。東失福州。猶

北恃建寧爲聲勢。及是延平遂孤立矣。湯和旣取福州。命其指揮

孫虎督新埭軍鎮守之。乘勝自水口舟騎竝進。直抵延平。隔劍水

而陳。廖永忠渡水攻西門。有定命參政文殊海涯指揮賴政出禦

之。七戰不勝。閉門堅守。湯和堰水灌城。有定徹夜巡邏。防遏滲漏

和又使人奉明帝優詔招之。有定嗔目叱之曰。我爲朝廷守土官。

可以土地易富貴耶。將佐知其不降。請出戰。不許。數請不已。有定

疑其攜貳。殺蕭院判等數人。由是衆心解體。多縋城夜遁者。會軍

器局災。城中礮聲震天。明師知有變。於是徐大興門其東北。廖永

忠門其西南。同時鼓譟進攻。有定見勢已急。又聞李文忠胡廷瑞

兩路陸師且繼至。度不能支。乃集部將鄧益謝英輔等與浚曰。大

事已去。吾一死報國。諸君努力。語畢。衣冠北面再拜。退入省堂。仰

孔雀血而死。英輔與荅魯合臣名失亦具朝服北向自刎。裨將賴正

孫啟關納外兵。文殊海涯等輿屍出降。至神武門。

明史水東門

大雷雨。有

定一震而蘇。被執至集慶。時設明帝詰之曰。能降。復汝官。否則伏銅

驢。

或作銅馬。此從海嶽。

銅驢。古炮烙刑也。有定厲聲曰。不降。願伏銅驢。遂遇害。

或曰。有定之殺吳深也。使伏銅驢。明帝爲深子復讎。故亦以是施

之。有定。且許深子嚮以祭其父云。福清參軍陳八義不仕明。藏有

定畫象。長身巨目。狀兒偉然。其家世祀之。宗海。一名海。有膂力。工

騎射。從父削平諸賊。功多。

失其官

延平圍急時。宗海在將樂。力不能援。

及間有定被執。單騎來歸。自投湯和軍門。及是從父死。宗海雖將

家子。亦好賓禮文士。其至泉州。訪士人趙應嘉。應嘉說之曰。夷狄

爲中國患久矣。宜共驅除之。胡反爲之用。宗海然之。以告有定。有

定聘趙至延平。咨以時務。持論迂闊。且勸有定立九廟。有定笑而

罷遣之。有定旣死。其年五月。舊將金子隆起兵。謀復延平。不克。退

保沙縣青雲寨。爲明將沐英所攻破。子隆死之。王翰。字用文。一

名那木罕。本河西人。先世以千戶鎮廬州。遂家焉。翰始襲千戶世

職。用臺省薦。改除廬州治中。調福州路三魁盜起。翰詣其壘諭降之。遷同知。再遷理問。綜理永福羅源二縣事。泉州土官柳莽跋扈。連結旁郡。翰至。悉解散之。有定慕其德望。擢行省郎中。待以賓友之禮。至正二十六年。奏除潮州總管。兼督循梅惠三州。委以方面之任。國亡後。屏居永福山中十年。黃冠野服。自號友石山人。有上書薦之者。明廷聘至。歎曰。女豈可再適人哉。卽病。不服藥。有司敦促就道。乃引刃自絕。遺詩友人吳海曰。昔在潮陽我欲死。宗祀如絲我無子。今年辟書親到門。丁男屋下三人存。寸刃在手不顧惜。一死了卻君親恩。翰性強介。精敏持身。刻苦歷官二十餘年。家無餘積。行政以愛民爲本。詩格瀏亮。有友石山房稿行世。子稱有才能。蕭寅。吉水人。讀書有志節。陳友諒之敗也。其黨熊天瑞據贛。有定遣江伯昂往說之。欲與連勢謀吳。天瑞不洩。伯昂還。寅道遇之。嘉其義。與之偕入閩。見有定。尋去。游兩浙。過金陵。歷楚蜀。就故封州守解若鳳謀曰。吾觀羣雄。獨有定忠義可依也。復至閩。有定

以寅同知邵武令。參其軍謀。有定用法嚴。寅從容營解。多所全濟。從有定至集慶。有定死。明帝欲官之。寅以親老辭。家居三十年而卒。藍光既辭有定歸。深衣隱居。教授亦三十年。卒於家。羅良。長

汀人。以散家財募兵。捕殺漳州土寇。解福州圍。功拜漳州總管。又屢從海道漕粟京師。加行省左丞。仍行總管事。賜爵晉國公。良與有定同郡。素不相能。至正二十六年九月。有定遣使至漳。定約束良不爲下。貽之書曰。足下既爲參政。國之大臣。克復興泉。固其本

職

興泉或作汀州。按克復汀州。在有定爲總管時。與上文既爲參政之語。事實不符。特改。

燕只不花平章僚長也。足下迫之。郡

縣之長。朝命也。足下竄之。百司朝廷之役也。足下奴僕之。足下所復郡邑。得其倉庫。入爲家貲。口言爲國。心實爲身。巨跬步之間。眞僞甚明。不審足下將爲郭子儀耶。抑曹孟德也。有定得書。大怒。發兵向漳州。良使三千人伏江東待之。誠有警勿輕移。忽有定兵千人夜攻海倉寨。揚言奪海舟。乘潮直下。警至。伏兵悉赴援。有定乘閒渡桺營江。戍卒皆潰。良逆戰馬岐山。敗績。退入城。有定圍之。良